

- प्रधानमंत्री नरेंद्र मोदी होरें आखेआ जे केंद्र सरकार नै आध्यात्मिक संस्कृति दे अनुरूप मानवता दी सेवा गितै समाज कल्याण योजना लागू कीतियां न, उनें नवी मुम्बई च इस्कान मंदर दा उद्घाटन कीता।
- प्रधानमंत्री नरेंद्र मोदी होरें आखेआ जे भारत विकास दी भावना नै कम्म करदा ऐ नां के विस्तारवाद दी भावना कन्नै, नौसेना दे अग्रिम पंक्ति दे 3 नमें युद्धपोत राष्ट्र गी समर्पित कीते।
- राष्ट्र अज्ज 77मां थल सेना दिवस मना'रदा ऐ। राष्ट्रपति, प्रधानमंत्री ते होरनें पार्टी मेम्बरें फौजी बलें दे बलिदान गी चेत्ता कीता ते श्रद्धांजलि अर्पित कीती।
- Meta India नै Mark Zuckerberg दी 2024 दे भारती आम चुनां दे बारी कीती गेदी टिप्पणी पर माफी मंगी ऐ।
- भारत नै राजकोट च 3 मैचें दी श्रृंखला च ODI दे त्रीये मैच च आयरलैंड गी 304 रन्ज कन्नै हराइयै जित्त दर्ज कीती।
- भारती महिला टीम खो-खो विश्व कप 2025 च इरान खलाफ मकाबला खेडुगा।

<><><><><><>

PM-Mumbai Visit Iskon

प्रधानमंत्री नरेंद्र मोदी होरें आखेआ जे भारत इक जवंत भूमि ऐ ते जीवंत संस्कृति ऐ। उनें अउखेआ जे स्थाडी संस्कृति दी चेतना आध्यत्मिकता ऐ। उनें अगगे आखेआ जे अगर कोई भारत गी समझना चाहंदा ऐ तां उसी पैहले आध्यात्मिकता गी समझना होग। प्रधानमंत्री होर नवी मुम्बई दे खारघर च इस्कान दी परियोजना श्री-श्री राधा मदन मोहन जी मंदर दा उद्घाटन करदे बेल्ले बोला रदे हे। उनें आखेआ जे स्थाडी संस्कृति दी नीहू मानवता दी सेवा दी भावना ऐ। उनें आखेआ जे इस भावना दे मताबक केंद्र सरकार नै आयुष्मान भारत, हर घर जल ते उज्जवला योजना जनेई सामाजिक कल्याण योजना लागू कीतियां न। 9 एकड़ च फैली इस परियोजना च कई देवताएं आहला इक मंदर, इक वैदिक शिक्षा केंद्र, प्रस्तावित संग्रहालय ते सागर, हीलिंग सेंटर शामिल न।

<><><><><><>

PM-Navy

प्रधानमंत्री नरेंद्र मोदी होरें आखेआ जे भारत इक्क बड्डी समुंद्री शक्ति बना'रदा ऐ ते ओह दुनिया भरै च इक्क जिम्मेदार ते भरोसेमंद भ्याल बनियै उभरा'रदा ऐ। प्रधानमंत्री होरें आखेआ जे भारत विस्तारवाद नेई सगुआं विकास दी भावना कन्नै कम्म करदा ऐ। एहू गल्ल प्रधानमंत्री होरें अज्ज मुम्बई च 2 युद्धपोतें ते इक पनडुब्बी गी भारती नौसेना दे बेडे च शामिल करने मौके आक्खी। इनें युद्धपोतें च आई.एन..एस-सूरत ते आई.एन.एस नीलगीरी शामिल न जिसले जे पनडुब्बी दा नां आईएनएस वाघशीर ऐ। प्रधानमंत्री होरें आखेआ जे एहू बडे मानै आहली गल्ल ऐ जे त्रैवे अग्रणी युद्धपोत भारत च बने दे न। उनें सब्भनें सरबन्धी धडे गी मुबारकबाद दित्ती। रक्षामंत्री राजनाथ सिंह होर बी इस मौके

पर उत्थे मौजूद हे। उनें आखेआ जे एह बरा रक्षा खेत्तर आस्तै सुधारें दा बरा ऐ। इस बरे दे खीरै तगर रक्षा खेत्तर च केई सारे सुधार लागू होडन।

<><><><><><>

Education-Minister

शिक्षा मंत्री धर्मेन्द्र प्रधान होरें अज्ज तमिल संगम दे त्रीये चरण ते के.टी.एस पोर्टल दा शुभारम्भ कीता। श्री प्रधान होरें आखेआ जे इस बरे काशी तमिल संगम 15 शा 24 फरवरी तोड़ी मनाया जाग। उनें आखेआ जे 10 दिनें दा एह कार्यक्रम च 1 ज्हार 200 प्रतिनिधि, शिल्पकार ते होर बी शामिल होंगन। इस बरे दा विषय सिद्ध चिकित्सा पद्धति ते शास्त्रीय तमिल साहित्य च ऋषि अगस्त्य दे महत्वपूर्ण योगदान पर आधारित होग।

<><><><><><>

Army Day

77मां थल सेना दिवस अज्ज समूलचे मुलखै च बडे मते उत्साह ते मानै दी भावना कन्नै मनाया जा करदा ऐ। राष्ट्रपति द्रौपदी मुर्मू होरें प्रधानमंत्री नरेंद्र मोदी होरें देसै दे दलेर सैनिकें ते उन्दे परिवार आहलें गी बी शुभकामनां दित्तियां राष्ट्रपति द्रौपदी मुर्मू होरें सेना दिवस दे मौके पर सैन्य कर्मिणं ते साबका फौजिएं गी शुभकामना दिंदे होई आखेआ जे स्हाडे सैनिकें दी तरक्की खुशहाली लेई देसै च रमानदारी आहला माहौल बनाई रखने च मती महत्वै आहली भूमिका रौहंदी ऐ। प्रधानमंत्री नरेंद्र मोदी होरें देसै दे दलेर सैनिकें ते उन्दे परिवार आहलें गी बी शुभकामनां दित्तियां ते आखेआ जे सरकार कई चाल्ली दे सुधारें ते आधुनिकीकरण पर ध्यान दिंदे होई थेआरबंद बलें ते उन्दे परिवार आहलें दी भलाई बेहतरी लेई बचने बज्जी दी ऐ। उपराज्यपाल मनोज सिन्हा होरें बी सेना दिवस दे मौके पर शुभकामनां दिंदे होई आखेआ ऐ जे राष्ट्र अपने सैनिकें दी निस्वार्थ सेवा लेई सदा उन्दा कर्जदार ऐ।

<><><><><><>

Upendra Dwivedi

77में सेना दिवस दे मौके पर पुणे च इक परेड दा सरिस्ता कीता गेआ। सेना प्रमुख जनरल उपेंद्र द्विवेदी होरें अज्ज जम्मू ते कश्मीर दी सुरक्षा स्थिति गी उजागर कीता। अपने संबोधन च सेना प्रमुख होरें आखेआ जे सुरक्षाबलें दे लगातार जत्तें करी जम्मू-कश्मीर च पूरी चाल्ली शांति बहाली होई ऐ ते हाल च होए दे चुनां इस गल्ला दी तसदीक करदे ना।

<><><><><><>

Meta-Apology

मेटा इंडिया नै अपने सी.ईओ मार्क जुकरबर्ग दे उस बयान लेइ, माफी मंगी ऐ जिस च उनें आखेआ हा जे भारत च मौजूदा सरकार कोविड-19 महामारी थमां निब्वडने लेई अपने तरीके करी 2024 च चुनां हारी जाग। इस टिप्पणी पर मता विवाद दे बाद सोशल मीडिया दिग्गज दे भारती प्रतिनिधि नै अज्ज माफी मंगी ते इसी अनजाने च होई दी गलती दस्सेआ।

<><><><><><>

Mahakumbh

भव्य ते दिव्य महाकुम्भ पूरी दुनिया दा ध्यान अपनी बक्खी खिच्चा'रदा ऐ। एहदे मद्देनजर कल 10 मुल्खें दे 21 सदस्यीय प्रतिनिधिमंडल संगम च पवित्र डुबकी लांगन। विदेश मंत्रालय दे साद्दे उप्पर एहू प्रतिनिधिमंडल अज्ज पुज्जा'रदा ऐ। प्रतिनिधिमंडल दे ठैहरने दी बवस्था अरैल स्थित टैंट सिटी च कीती गेदी ऐ। अज्ज प्रतिनिधिमंडल महाकुम्भ मेले खेत्तर दा बी दौरा करंगन। हैरीटेज वाल्क दे जरिये सदस्य प्रयागराज दी सांस्कृतिक ते ऐतिहासिक विरासत गी दिक्खी सकंगन। कल अंतरराष्ट्रीय प्रतिनिधिमंडल त्रिवेणी संगम च पवित्र डुबकी लांगन ते हैलीकाप्टर राहें महाकुम्भ खेत्तर दा हवाई नजारा लैंगन। अंतरराष्ट्रीय प्रतिनिधिमंडल च फिजी फिनलैंड गुयाना, मलेशिया, मारीशस, सिंगापुर, दक्खन अफ्रीका, श्रीलंका, त्रिनिदाद ते टोबैगो ते संयुक्त अरब अमीरात दे प्रतिनिधि शामिल न।



Mahakumbh-Train

महाकुम्भ 2025 दे सिलसिले च श्रद्धालुएं दी सुविधा लेई उत्तरी रेलवे नै श्री माता वैष्णो देवी कटड़ा ते प्रयागराज बश्कार विशेष रेल गड्डियां चलाने दी घोषणा कीती ऐ। पैहली रेल गड्डी श्री माता वैष्णा देवी कटड़ा थवां 24 जनवरी बड्डुलै 3 बज्जियै 50एं मिंटें पर चलोग ते 25 जनवरी गी प्रयागराज थवां वापस परतोई औग। अगलियां दो रेल गड्डियां 7 फरवरी ते 14 फरवरी गी चलडन। इनें दौनें रेल गड्डिएं दा समां अपनी-अपनी तरीक पर बड्डुलै 3 बज्जियै 50 मिनट गै होग ते इब्बी कटड़ा थमां गै चलडन। 7 फरवरी आहली रेल गड्डी 8 फरवरी गी वापस परतोग। इस्सै चाल्ली 14 फरवरी आहली गड्डी 15 फरवरी गी प्रयाग राज थवां परतोग। इनें विशेष रेल गड्डिएं दा मकसद लोकें गी सुचारू ढंगै सिर प्रयागराज पजाना ऐ। इस पैहल दा मकसद महाकुम्भ च हिस्सा बनने दी इच्छेआ रखने आहलें गी स्थूलत प्रदान करना ऐ ते रेलवे दा आखना ऐ जे ओहदे लक्ष्य सदा गै अपने यात्रिएं दी सुविधा दा ख्याल रखना ऐ।



Home-Ministry

गृहमंत्री अमित शाह होरें कल मुम्बई, चेन्नई, कोलकाता, बँगलुरु, हैदराबाद, कोची ते अहमदाबाद हवाई अड्डें पर फास्ट ट्रैक इम्मीग्रेशन ट्रस्टेड ट्रेवलर प्रोग्रम दा उद्घाटन कर9न। इस कन्नै यात्रुएं गी आलमी स्तर दी परदेस च रौहने सरबंधी सुविधाएं थ्होडन ते अंतरराष्ट्रीय यात्रा असान ते सुरक्षित होग। गृह मंत्रालय मताबक इस कार्यक्रम च नामांकन लेई आवेदकें गी Ftittf.inportal पर ऑनलाइन पंजीकरण करना होग। आवेदकें दा बायोमीट्रिक डाटा विदेशी खेत्तरीय पंजीकरण कार्यालय च या हवाई अड्डे पर यात्रा करदे बेल्ले लैता जाग। इस प्रोग्राम गी देश दे प्रमुख 21 हवाई अड्डें पर लागू कीता जाग। गृह मंत्री होरें पिछले बरे जून च इंदिरा गांधी अंतरराष्ट्रीय हवाई अड्डा नमीं दिल्ली दे टर्मिनल-3 थमां एहदी शुरूआत कीती ही।



Ministry-Home Affairs

किश संगठित अपराधिक समूहें ते आतंकवादी गुटें दी गतिविधियें बारै च अमरीका दे अधिकारियें आसेआ दिती गेदी जानकारी दे बाद गठित उच्च स्तरीय जांच समिति नै केंद्र सरकार गी अपनी रिपोर्ट सौंपी दिती ऐ। गृह मंत्रालय नै आखेआ जे समिति नै इक व्यक्ति खलाफ कनून दी सिफारिश कीती ऐ। औंदी जांच दौरान औंदे अपराधिक कम्में दे बारे च पता लगगेआ हा। जांच समिति नै सिफारिश कीती जे कनूनी कार्रवाई तेजी कन्नै पूरी कीती जानी लोडची। उनें भारत दी कार्रवाई क्षमता गी मजबूत करने, बस्थित नियंत्रण यकीनी करने ते कार्रवाई लेई प्रक्रियाएं च सुधार दी बी सिफारिश कीती ऐं किश संगठित अपराधिक समूहें ते आतंकवादी गुटें दी गतिविधियें बारै जानकारी प्राप्त होने बाद नवंबर 2023 च इक समिति दा गठन कीता गेआ हा। इनें गतिविधियें करी भारत ते अमरीका दौनें दे सुरक्षा हितें गी नुकसान पुज्जा हा। मंत्रालय नै आखेआ जे समिति गी अमरीका दे अधिकारियें थमां पूरा सहयोग थहोआ ऐ।

<><><><><><>

Delhi Poll Seizure

दिल्ली विधानसभा चुनां दी घोषणा दे बाद पुलस नै आदर्श आचार संहिता दी उल्लंघना दे 180 मामले दर्ज कीते ना। कोई 123 बिजन लाइसेंस दे हथियार ते 92 कारतूस जब्त कीते गेन। पुलस नै आखेआ जे इस दौश्रान 59 किलोग्राम शा मते वजन दे नशीले पदार्थ जेदी कीमत 12 करोड़ रपे शा मती ऐ ते 1 करोड़ शा मती दी नकदी जब्त कीती गेई पुलस नै आखेआ जे दिल्ली च स्वतंत्र, निरपक्ख ते शांतिपूर्ण चुना यकीनी कराने लेई केई उपा कीते ना। चुनां आयोग दे दिशा-निर्देशें दा असरदार ते सख्ती नै पालमा यकीनी कीती जा'रदी ऐ ते आदर्श आचार संहिता दे कुसै बी उल्लंघन प्रति जीरो टालरेंस आहला रूख अपना रदा ऐ।

<><><><><><>

IMD-Weather

भारती मौसम विभाग नै अजज पच्छमी उत्तर प्रदेश, पच्छमी राजस्थान ते मध्य प्रदेश च कुते-कुते गरज चमक दी पेशनगोई कीती ऐ। मौसम विभाग मूजब अगले 2 दिनें च पंजाब, हरियाणा, बिहार, झारखंड, ओडिशा, उप हिमालयाई पच्छिम बंगाल, सिक्किम ते मुल्खै दे उत्तर पूर्वी खितें च रातीं ते बडुलै घना कोहरा होने दी मेद ऐ। मौसम विभाग नै अरूणाचल प्रदेश, असम, मेघालय, मिजोरम ते त्रिपुरा च मती ठंड रौहने दी मेद ऐ। मध्य भारत ते महाराष्ट्र च अगले 3 दिनें दौरान घट्टोघट्ट तापमान च 2 शा 3 डिग्री सेल्यिस बदने दी मेद ऐ।

<><><><><><>

Bangladesh

बांग्लादेश च सुप्रीम कोर्ट नै जियां आरफेनेज ट्रस्ट भ्रष्टाचार मामले च खालदा जिया, तारिक रहमान ते होरनें गी दोषमुक्त करी दिता। बी.एस.एस दे मताबक मुख् न्याधीश सैयद रेफात अहमद दी

अध्यक्षता आहली अदालत नै सर्वसम्मति कन्नै एहू फैसला सनाया। इनेंगी खल्की अदालत नै दोषी करार दित्ता हा ते सजा सनाई ही। सुप्रीम कोर्ट नै उच्च न्यायालय दे उस आदेश गी रद्द करी दित्ता जिस च इस मामले च बेगम खालिदा जिया दी शुरूआती 5 साल दी जेल दी सजा गी बदाइयै 10 बरे करी दित्ता हा। खल्की अदालत दे उस आदेश गी बी रद्द करी दित्ता गेआ जिस च शुरू च इनें सब्बनें गी दोषी ठहराया गेआ हा।

<><><><><><>

Women-Cricket

गुजरात दे राजकोट च खेड्डे गेदे ODI दे 3 मैचें दी श्रृंखला दे त्रीये मैच च भारत दी महिला टीम नै आयरलैंड दी टीम गी 304 रन्जें कन्नै हराई दित्ता। एहू जित्त हुनै तोड़ी दी सब्बनें शा बड्डी जित्त ऐ। भारत नै 3-0 कन्नै एहू श्रृंखला अपने नां कीती ऐ।

<><><><><><>

Kho-Kho

भारती महिला खो-खो टीम अज्ज संझा इंदिरा गांधी इंडोर स्टेडियम च खो-खो विश्व कप 2025 च इरान खलाफ खेड्डोगा। अज्ज रातीं दे बाद भारती मर्दे दी टीम पेरू दे खलाफ खेड्डूग जिसदा मैच उस्सै थाहर पर रउातीं 1 बज्जियै 15 मिनटें पर शुरू होगा।

<><><><><><>